

LOV FOR LÆRDAL GOLFKLUBB^{1 2}

Stifta 01.01.2000, vedteke av årsmøtet, med seinare endringar av 09.02.2016, godkjent av Sogn og Fjordane idrettskrins 28.06.2016.

I. INNLEIANDE REGLAR

§ 1 Formål

- (1) Idrettslaget sitt formål er å drive idrett organisert i Norges idrettsforbund og olympiske og paralympiske komité (NIF).
- (2) Arbeidet skal pregast av frivillig innsats, demokrati, lojalitet og likeverd. All idrettsleg aktivitet skal byggje på grunnverdiar som idrettsglede, fellesskap, helse og ærlegheit.

§ 2 Organisasjon

- (1) Idrettslaget er sjølveigande og frittstående med berre personlege medlemmar.³
- (2) Idrettslaget er medlem av **Norges Golf forbund** og elles dei særforbund som laget sitt årsmøte bestemmer.⁴
- (3) Idrettslaget er medlem av NIF gjennom **Sogn og Fjordane Idrettskrins** idrettskrins, høyrer heime i **Lærdal** kommune, og er medlem av **Lærdal** idrettsråd.⁵
- (4) Idrettslaget skal følgje NIF og tilslutta organisasjonsledd sitt regelverk og vedtak. NIF sitt regelverk gjeld for idrettslaget uavhengig av kva som måtte stå i idrettslaget si eiga lov.

§ 3 Medlemmar

- (1) For at ein person skal takast opp i idrettslaget må vedkomande:
 - a) akseptere å overhalde idrettslaget og overordna organisasjonsledd sitt regelverk og vedtak.
 - b) ha gjort opp eventuelle økonomiske forpliktingar til idrettslaget og andre organisasjonsledd i NIF.

¹ Idrettslaget sitt namn må vere i samsvar med forskrift om namn på idrettslag.

² Lovnormen for idrettslag bruker betegnelsen idrettslaget. Dette er valgfritt for golfklubber.

³ Personlige medlemmer betyr at klubben ikke kan operere med andre typer medlemskap, som for eksempel familiemedlemskap og firmamedlemskap. At det innføres familiekontingent er å anse som en rabattordning, og har ikke noe med selve medlemskapet å gjøre. Medlemmer må følgelig registreres enkeltvis. Medlemskap kan heller ikke gjøres tidsavgrenset, f. eks. til en spillesesong. Medlemskap etableres ved innmelding og opphører ved utmelding. Andre ordninger må begrenses til spilleretten.

⁴ Idrettslaget må være medlem av det/dei særforbund som organiserer idretten/idrettene laget driv, med mindre laget berre driv mosjonsidrett som ikkje er organisert av eit særforbund i NIF, jf. NIF si lov § 10-1. Dette skal kome fram av idrettslaget sin organisasjonsplan som vert vedteke av årsmøtet. Det er også årsmøtet som vedtek innmelding/utmelding i det/dei aktuelle særforbund.

⁵ Idrettslag kan berre vere medlem av eitt idrettsråd. Dersom idrettslaget sitt naturlege område strekkjer seg over meir enn ein kommune, avgjer idrettslaget sitt årsmøte kva idrettsråd det høyrer til.

- (2) Styret i idrettslaget kan i særlege tilfelle nekte ein person medlemskap. Før vedtak vert fatta, skal personen gjerast kjent med bakgrunnen for saka og får ein frist på to veker til å uttale seg. Vedtaket skal vere skriftleg og grunngjeve, og informere om høve til å klage. Vedtaket kan klagast på til idrettskrinsen innan tre veker etter at det er motteke. Klagen skal sendast til idrettslaget sitt styre, som eventuelt kan gjere om vedtaket. Dersom vedtaket oppretthaldast, skal klagen sendast til idrettskrinsen innan to veker.
- (3) Medlemskap i idrettslaget er først gyldig frå den dag kontingent er betalt.
- (4) Medlemer pliktar å overhalde NIF, tilslutta organisasjonsledd og idrettslaget sitt regelverk og vedtak.
- (5) Utmelding skal skje skriftleg og får verknad når den er motteke.
- (6) Idrettslaget kan ta medlemskap frå medlem som etter puring ikkje betalar fastsett medlemskontingent. Medlem som skuldar kontingent for to år, taper automatisk sitt medlemskap i idrettslaget og skal strykast frå laget si medlemsliste.
- (7) Styret i idrettslaget kan i særlege tilfelle ta i frå ein medlem medlemskapet for ein periode på inntil eitt år. Før vedtak vert fatta, skal vedkomande gjerast kjent med bakgrunnen for saka og får ein frist på to veker til å uttale seg. Vedtaket skal vere skriftleg og grunngjeve, og informere om høve til å klage.
- (8) Ved tap av medlemskap kan den saka gjeld kreve at vedtaket handsamast av ordinært/ekstraordinært årsmøte, og har rett til å vere til stade ved årsmøtet si handsaming av saka. Kravet må setjast fram innan ei veke etter at vedtaket er motteke, og årsmøtet må deretter haldast innan ein månad.
- (9) Ved tap av medlemskap kan idrettslaget sitt vedtak klagast på til idrettskrinsen innan tre veker etter at vedtaket er motteke. Klagen skal sendast til idrettslaget sitt styre, som eventuelt kan gjere om vedtaket dersom det er fatta av styret sjølv. Dersom vedtaket oppretthaldast, skal klagen sendast til idrettskrinsen innan to veker. Idrettslaget sitt vedtak trer ikkje i kraft før klagefristen er gått ut, eventuelt når klagesaka er avgjort.
- (10) Idrettslaget skal føre elektroniske medlemslister i idretten sine nasjonale medlemsregister i tråd med forskrift gitt av Idrettsstyret.

§ 4 Medlemskontingent og avgifter

- (1) Medlemskontingenten vert fastsett av årsmøtet.⁶ Andre avgifter/eigendelar kan krevjast for deltaking i idrettslaget sitt aktivitetstilbod.

⁶ Idrettslaget kan innføre ulike kontingentkategoriar (t.d. for familiar, pensjonistar, studentar). Kontingenten må vere på minst kr 100 per medlem. Årsmøtet kan vedta at æresmedlemer skal vere friteke for betaling av kontingent.

- (2) Den som ikke senest 31. desember har sendt skriftlig utmelding av klubben eller melding om overgang til annen kontingent-/avgiftsgruppe, anses som medlem i samme kontingent-/avgiftsgruppe i det påfølgende år.

II. TILLITSVALTE OG TILSETTE

§ 5 Kjønnfordeling

- (1) Ved val/oppnemning av styre, råd, utval/komiteé mv. og ved representasjon til årsmøte/ting i overordna organisasjonsledd, skal begge kjønn vere representert. Samansetjinga skal samsvare i høve til kjønnfordelinga i medlemsmassen, likevel slik at ved val/oppnemning av meir enn tre personar, skal det veljast/oppnemnast minst to personar frå kvart kjønn. Regelen gjeld også der det blir valt meir enn eitt varamedlem. Tilsette sin representant tel ikkje med ved utrekning av kjønnfordelinga.
- (2) Ved val/oppnemning til styre, råd, utval/komiteé mv. i strid med regelen, skal styret innan ein månad etter årsmøtet sende ut innkalling til ekstraordinært årsmøte der nytt val vert gjort. Eksisterande medlemar i det aktuelle styret, komiteéen mv. vert sitjande til nytt styre, komiteé mv. er valt/oppnemnt.
- (3) Idrettskrinsen kan påleggje idrettslaget å oppfylle regelen, m.a. med innkalling til nytt årsmøte eller foreta ny oppnemning.
- (4) Idrettskrinsen kan, når det ligg føre særlege tilhøve, gje dispensasjon frå denne regelen. Det skal så langt det er mogleg søkast om dispensasjon i forkant. Søknad om dispensasjon må vere sendt til idrettskretsen innan 14 dagar etter årsmøtet. Det er berre mogleg å gje dispensasjon for ein valperiode/oppnemning kvar gong.

§ 6 Generelle reglar om stemmerett, kven som kan veljast, forslagsrett mv.

- (1) For å ha stemmerett og kunne veljast må ein vere fylt 15 år, vore medlem av idrettslaget i minst ein månad og ha oppfylt medlemskrava, jf. § 3 (1). Det same gjeld der ein person skal oppnemnast som representant til årsmøte/ting i overordna organisasjonsledd. Ingen kan møte eller stemme ved fullmakt, jf. § 16.
- (2) Ein medlem som er arbeidstakar i eller har oppdragsavtale med idrettslaget, jf. § 7 (3), har ikkje stemmerett på idrettslaget sitt årsmøte. Dette gjeld ikkje for spelar/utøvar med kontrakt og medlemskap i laget.
- (3) Ein medlem kan ikkje samtidig ha meir enn eit av følgjande verv i idrettslaget: medlem av styret, valkomiteé, kontrollkomiteé, lovutval, revisor.
- (4) Ein medlem kan ikkje ha tillitsverv knytta til same idrett i fleire idrettslag som deltek i same konkurranse.

- (5) Forslagsrett:
- a) Ein medlem har forslagsrett til og på årsmøtet i idrettslaget.
 - b) Styret i idrettslaget har forslagsrett til og på årsmøtet i idrettslaget
 - c) Eit idrettslag har forslagsrett til årsmøte/ting i overordna organisasjonsledd, og laget sin(e) representant(ar) har forslagsrett på dette årsmøtet/tinget.
 - d) Ein komité/utval har forslagsrett til årsmøtet i saker som ligg innanfor komitéen/utvalet sitt arbeidsområde, og komitéen/utvalet sin(e) representant(ar) har forslagsrett på årsmøtet innanfor komitéen/utvalet sitt arbeidsområde.
 - e) Ein medlem under 15 år har forslagsrett til og på årsmøtet.
- (6) Talerett:⁷
Representant frå overordna organisasjonsledd har talerett på årsmøtet i idrettslaget.

§ 7 Representasjonsrett og vilkår for val av arbeidstakar og oppdragstakar

- (1) Ein arbeidstakar i idrettslaget kan ikkje veljast til styre, råd, utval/komité mv. i idrettslaget eller overordna organisasjonsledd. Tillitsvalt som får relevant tilsetjing, pliktar å gå ut av tillitsvervet ved tiltreding av stillinga, og kan ikkje gå inn att før tilsetjingstilhøvet er avslutta.
- (2) Ein arbeidstakar i idrettslaget kan ikkje veljast eller oppnemnast som representant til årsmøte/ting eller leiarmøte i overordna organisasjonsledd. Det kan heller ikkje veljast eller oppnemnast representant som er arbeidstakar i det organisasjonsledd representasjonen skjer.
- (3) Regelen vert brukt tilsvarende på ein medlem som har oppdragsavtale som kan samanliknast med eit tilsetjingstilhøve.
- (4) Regelen gjeld ikkje for arbeidstakar som er spelar/utøvar med kontrakt og medlemskap i idrettslaget, og er ikkje til hinder for at idrettslaget gjev dei tilsette rett til å utpeike tilsettrepresentant(ar) til idrettslaget sitt styre.
- (5) Ein person som er valt eller oppnemnt i strid med regelen vert ikkje sett på som valt eller oppnemnt.
- (6) Idrettskrinsen kan, når det ligg føre særlege tilhøve, gje dispensasjon frå denne regelen. Det skal så langt det er mogleg søkast om dispensasjon i forkant. Det er berre mogleg å gje dispensasjon for ein valperiode/oppnemning av gongen.

§ 8 Representasjonsrett og vilkår for val for andre personar med tilknytning til idrettslaget

- (1) Ein medlem som har ein avtale med idrettslaget som gjev vedkomande ei økonomisk interesse i drifta av idrettslaget, kan ikkje veljast til verv i styre, råd, utval/komité mv. innan idrettslaget eller overordna organisasjonsledd. Det same gjeld styremedlem, tilsett, eller aksjonær med vesentleg innverknad i ein

⁷ Årsmøtet kan også vedta å gje talerett til andre personar. Dersom idrettslaget har engasjert revisor, må følgjande punkt leggjast inn i (6): «Engasjert revisor har talerett på årsmøtet i saker som ligg innanfor sitt arbeidsområde.»

juridisk person som har slik avtale som nemnt i første setning. Avgrensinga gjeld ikkje for styremedlem oppnemnt av idrettslaget. Tillitsvalt som får ein slik avtale, styreverv, tilsetjing eller eigardel, pliktar å gå ut av tillitsvervet ved tiltreding av stillinga, og kan ikkje gå inn att før tilsettingshøvet er avslutta.

- (2) Person som etter første ledd ikkje kan veljast, kan heller ikkje veljast eller oppnemnast som representant til årsmøte/ting eller leiarmøte i overordna organisasjonsledd. Det kan heller ikkje veljast eller oppnemnast representant med tilsvarende tilknytning til det organisasjonsledd representasjonen skjer.
- (3) Ein person som er valt eller oppnemnt i strid med regelen blir ikkje sett på som valt eller oppnemnt.
- (4) Idrettskrinsen kan, når det ligg føre særlege tilhøve, gje dispensasjon frå denne regelen. Det skal så langt det er mogleg søkast om dispensasjon i forkant. Det er berre mogleg å gje dispensasjon for ein valperiode/oppnemning kvar gong.

§ 9 Inhabilitet

- (1) Ein tillitsvalt, oppnemnt representant eller tilsett i idrettslaget er inhabil til å legge til rette grunnlaget for ei avgjerd eller til å treffe avgjerda:
 - a) når vedkomande sjølv er part i saka,
 - b) når vedkomande er i slekt eller svogerskap med ein part i opp- eller nedstigande linje eller i sidelinje så nær som søsken,
 - c) når vedkomande er eller har vore gift med eller er forlova eller sambuar med ein part,
 - d) når vedkomande er leiar eller har leiande stilling i, eller er medlem av styret i eit organisasjonsledd eller annan juridisk person som er part i saka.
- (2) Sameleis er vedkomande inhabil når andre særleine tilhøve ligg føre som er eigna til å svekke tilliten til om vedkomande er upartisk; mellom anna skal det leggjast vekt på om avgjerda i saka kan gje særleg fordel, tap eller ulempe for vedkomande sjølv eller nokon som vedkomande har nær personleg tilknytning til. Det skal også leggjast vekt på om inhabilitetsmotsegn er reist av ein part.
- (3) Er ein overordna inhabil, kan avgjerd i saka heller ikkje treffast av direkte underordna i idrettslaget.
- (4) Inhabilitetsreglane skal ikkje brukast dersom det er innlysande at den tillitsvalte, oppnemnde representanten eller tilsette si tilknytning til saka eller partane ikkje vil kunne påverke vedkomande sitt standpunkt og idrettslege interesser ikkje tilseier at vedkomande bør vike sete.
- (5) Med part er det her meint person, medrekna juridisk person, som ei avgjerd rettar seg mot eller som saka elles direkte gjeld.
- (6) I styre, komitéar og utval tek organet sjølv avgjerd, utan at vedkomande medlem deltek. Dersom det i ei og same sak kjem opp spørsmål om inhabilitet for fleire medlemmar, kan ingen av dei delta ved avgjerda av sin eigen eller ein annan medlem sin habilitet, med mindre organet elles ikkje ville vore vedtaksført i spørsmålet. I sistnemnde tilfelle skal alle møtande medlemmar delta. Medlemen

skal i god tid seie frå om tilhøve som gjer eller kan gjere vedkomande inhabil. Før spørsmålet vert avgjort, bør varamedlem eller annan person som kan tre inn i staden for, kallast inn til å møte og delta i avgjerda, dersom det kan gjerast utan vesentleg bruk av tid eller kostnad.

- (7) Ved andre høve tek vedkomande sjølv avgjerda om vedkomande er inhabil. Dersom ein part krev det og det kan gjerast utan vesentleg ekstra bruk av tid, eller vedkomande elles finn grunn til det, skal vedkomande sjølv leggje fram spørsmålet for sin næraste overordna til avgjerd.
- (8) Regelen gjeld ikkje på årsmøtet i idrettslaget.

§ 10 Krav til vedtak, fleirtalskrav og protokoll

- (1) Når ikkje anna er bestemt, er styre, komitéar og utval i idrettslaget vedtaksføre når eit fleirtal av medlemane er til stades. Vedtak vert fatta med fleirtal av dei gjevne stemmene. Ved likt stemmetal er møteleiar si stemme avgjerande.
- (2) Vedtak kan fattast ved skriftleg sakshandsaming⁸ eller ved fjernmøte⁹. Ved skriftleg sakshandsaming skal kopiar av dokument i saka sendast samtidig til alle medlemar med forslag til vedtak. Gyldig vedtak krev at fleirtalet av medlemane gjev sin tilslutnad til det framlagde forslaget, og til at dette vert gjort etter skriftleg sakshandsaming. Ved fjernmøte skal alle møtedeltakarne kunne høyre og kommunisere med kvarandre.
- (3) Det skal førast protokoll frå styremøta.

§ 11 Refusjon av utgifter til tillitsvalte. Godtgjersle

- (1) Tillitsvalt kan motta refusjon for nødvendige, faktiske utgifter som vedkomande får i samband med utføring av vervet.
- (2) Tillitsvalt kan motta ein rimeleg godtgjersle for arbeidet sitt.
- (3) Godtgjersle til styret og dagleg leiar skal kome klart fram i vedteke budsjett og rekneskap.

III. ØKONOMI

§ 12 Rekneskap, revisjon, budsjett mv.

- (1) Idrettslaget er rekneskaps- og revisjonspliktig. Rekneskapsåret skal følgje kalendaråret.¹⁰
- (2) Dersom idrettslaget har ein årleg omsetnad på mindre enn kr 5 millionar, skal laget følgje NIF sine rekneskaps- og revisjonsreglar, men kan, etter vedtak av

⁸ Til dømes per e-post.

⁹ Til dømes møte per telefon/videokonferanse.

¹⁰ Idrettsstyret kan, når det ligg føre særlege tilhøve, gje dispensasjon til å nytte avvikande rekneskapsår.

styret, velje å følgje rekneskapslova. Dersom idrettslaget har ein årleg omsetnad på kr 5 millionar eller meir, skal laget følgje rekneskapslova og revisorlova, og skal alltid engasjere statsautorisert/registrert revisor uavhengig av kva som følgjer av desse lovene. Alle organisasjonsledd som har engasjert revisor skal velje ein kontrollkomité med minst to medlemar. Kontrollkomitéen sine oppgåver følgjer av NIF si lov § 2-12.

- (3) Bankkonti skal vere knytt til idrettslaget og skal disponerast av to personar i fellesskap. Underslagforsikring skal vere teikna for dei som disponerer.
- (4) På årsmøtet skal det fastsetjast eit budsjett som inneheld alle hovudpostar i resultatrekneskapan. Rekneskap og budsjett for idrettslag som er organisert med grupper/avdelingar, skal også omfatte rekneskapa og budsjetta for gruppene/avdelingane. Budsjettet skal vere realistisk, og resultatet skal ikkje vise underskot med mindre det vert dekt av positiv eigenkapital. Det vedteke budsjettet bør kome fram i ei eiga kolonne når årsrekneskapet vert lagt fram.
- (5) Årsrekneskap og årsmelding skal underskrivast av samtlege styremedlemar. Dersom idrettslaget har dagleg leiar skal også vedkomande signere.
- (6) Idrettslaget kan ikkje gje lån eller stille garantiar for lån dersom ikkje lånet eller garantien har sikring med trygg pant eller annan fullgod sikring. Sikring for lån og garantiar skal opplysast i note til årsoppgjeret.
- (7) Disposisjonar, også låneopptak, av ekstraordinær karakter eller vesentleg omfang i høve til idrettslaget sin storleik eller verksemd, kan berre vedtakast av årsmøtet.

IV. ÅRSMØTE, STYRE, UTVAL MV.

§ 13 Årsmøtet

- (1) Årsmøtet er idrettslaget sitt høgste styringsorgan, og skal haldast kvart år innan utgangen av mars månad¹¹.
- (2) Styret kallar inn til årsmøte minst ein måned på førehand direkte til medlemane, eventuelt på annan forsvarleg måte, og/eller ved kunngjering i pressa, eventuelt på idrettslaget si internettside. Innkallinga kan vise til at saksdokumenta vert gjort tilgjengeleg på idrettslaget si internettside eller på annan forsvarleg måte. I så fall skal det gå fram at dokumenta vil bli gjort tilgjengelege seinast ei veke før årsmøtet. Forslag som skal handsamast på årsmøtet, må vere sendt til styret seinast to veker før årsmøtet. Fullstendig sakliste og andre nødvendige saksdokument med forslag til årsmøtet må vere gjort tilgjengeleg seinast ei veke før årsmøtet.
- (3) Ved innkalling i strid med regelen, avgjer årsmøtet høvesvis ved godkjenning av innkalling og godkjenning av saklista, om årsmøtet er lovleg innkalla og om det er saker som ikkje kan handsamast.

¹¹ Vedtak om årsmøte innan mars månad er fastsett av Idrettsstyret, jf. NIF si lov § 2-11 (8) siste setning.

- (4) Alle medlemmane til idrettslaget har tilgjenge til årsmøtet. Årsmøtet kan invitere andre personar og/eller media til å vere til stades, eventuelt vedta at årsmøtet berre er ope for medlemar.
- (5) Årsmøtet er vedtaksført dersom det møter eit tal medlemar med stemmerett som minst svarar til talet på styremedlemar vedteke i idrettslaget si lov. Dersom årsmøtet ikkje er vedtaksført, kan det kallast inn til årsmøte på nytt utan krav til minimumsdeltaking.
- (6) På årsmøtet kan det ikkje handsamast framlegg om endring i lov eller reglar som ikkje er ført opp på den saklista som er gjort tilgjengeleg eller sendt ut. Andre saker kan handsamast når 2/3 av dei frammøtte med stemmerett på årsmøtet vedtek det ved godkjenning av saklista.

§ 14 Leing av årsmøtet

Årsmøtet vert leia av valt dirigent. Dirigent eller valt referent treng ikkje vere medlem. Det kan veljeast fleire dirigentar og referentar.

§ 15 Årsmøtet sine oppgåver

Årsmøtet skal¹²:

1. Godkjenne dei som har stemmerett.
2. Godkjenne innkallinga, saklista og møtereglane.
3. Velje dirigent, referent, og to medlemar til å skrive under protokollen.
4. Handsame idrettslaget si årsmelding, inkludert eventuelle gruppeårsmeldingar.
5. Handsame idrettslaget sin rekneskap i revidert stand.
6. Handsame forslag og saker.
7. Fastsetje medlemskontingent på minst kr 100, og treningsavgift, eller gi gruppestyra fullmakt til å fastsette treningsavgift for gruppa si aktivitet.¹³
8. Vedta idrettslaget sitt budsjett.
9. Handsame idrettslaget sin organisasjonsplan.¹⁴
10. Gjere følgjande val:¹⁵
 - a) Leiar og nestleiar
 - b) 3 styremedlem og 2 varamedlem¹⁶
 - c) Andre val i høve til vedteken organisasjonsplan, jf. pkt. 9.
 - d) To revisorar.¹⁷

¹² Dersom saklista ikkje vert fullført, kan det kallast inn til framhaldande årsmøte. Slik innkalling skjer på tilsvarande måte som for ordinært årsmøte, men eventuelt med kortare frist godkjent av årsmøtet. Framhaldande årsmøte kan berre handsame saker som var med i godkjent sakliste for årsmøtet.

¹³ Årsmøtet kan fastsette ei øvre grense på storleik på treningsavgifta.

¹⁴ Organisasjonsplanen skal regulere den interne organiseringa og aktiviteten i idrettslaget.

¹⁵ Dette er minimum av dei tillitsvalte som skal veljast på årsmøtet. Årsmøtet kan i tillegg velje andre tillitsvalte det er behov for.

¹⁶ Idrettslaget kan velje om styremedlemar skal veljast for eitt eller to år av gongen. Tal styremedlemar og varamedlemar må fyllast ut ved vedtak av loven, minimum eitt styremedlem og eitt varamedlem. Styremedlemar kan veljast til spesifikke oppgåver.

¹⁷ Idrettslag med årleg omsetnad på kr 5 millionar eller meir pliktar å ha engasjert revisor, og må ta inn følgjande som nytt punkt 10: «Engasjere statsautorisert/registrert revisor til å revidere idrettslaget sin rekneskap.» Punkt 10 må forskyvast til nytt punkt 11 og nytt punkt 11 bokstav d) endrast til: «Kontrollkomité med minst to medlemar.»

- e) Representantar til ting og møte i dei organisasjonsledda som idrettslaget har representasjonsrett eller gje styret fullmakt til å oppnemne representantane.
- f) Valkomit  med leiar, to medlemar og eitt varamedlem.

Leiar og nestleiar skal veljast enkeltvis. Dei andre medlemane skal veljast samla. Deretter skal varamedlemane veljast samla, og ved skriftleg val vert rekkjef lgja avgjort i h ve til stemmetala.

  16 Stemmegjeving p   rsm tet

- (1) Med mindre noko anna er fastlagt i denne lova, skal eit vedtak, for   vere gyldig, vere gjort med vanleg fleirtal av dei avgjevne stemmene. Ingen representant har meir enn ei stemme. Ingen kan m te eller stemme ved fullmakt. Blanke stemmer skal reknast som ikkje avgjevne.
- (2) Val skal vere skriftleg dersom det ligg f re meir enn eitt framlegg eller det vert fremja krav om det. Dersom det skal vere skriftleg val, kan berre f reslegne kandidatar f rast opp p  stemmesetelen. Stemmesetler som er blanke, eller som inneheld kandidatar som ikkje er f reslegne, eller ikkje har det tal det skal stemmast over, tel ikkje, og stemmene skal reknast som ikkje avgjevne.
- (3) N r eit val vert halde enkeltvis og ingen kandidat oppn r meir enn halvparten av dei avgjevne stemmene, skal det vere omval mellom dei to kandidatane som har f tt flest stemmer. St r nokon likt etter omvalet, vert det avgjort ved loddtrekking.
- (4) N r fleire skal veljast ved ei r ystring, m  alle ha meir enn halvparten av dei avgjevne stemmene for   vere valt. Dette gjeld ikkje ved val av varamedlem. Om ikkje mange nok kandidatar f r dette i f rste omgang, er det berre dei som har f tt meir enn halvparten av stemmene som er valde. Det vert s  omval mellom dei kandidatane som st r att, og etter denne r ystringa er dei valde som har f tt flest stemmer. St r nokon likt etter omvalet, vert dette avgjort ved loddtrekking.

  17 Ekstraordin ert  rsm te

- (1) Ekstraordin ert  rsm te i idrettslaget vert kalla inn av idrettslaget sitt styre minst 14 dagar p  f rehand etter:
 - a) Vedtak av  rsm tet i idrettslaget.
 - b) Vedtak av styret i idrettslaget.
 - c) Vedtak av styre eller  rsm te/ting i overordna organisasjonsledd.
 - d) Skriftleg krav fr  1/3 av dei medlemane i idrettslaget som har stemmerett.
- (2) Ekstraordin ert  rsm te vert kalla inn direkte til medlemane, eventuelt p  anna forsvarleg m te medrekna ved kunngjering i pressa, eventuelt p  idrettslaget si internettside. Saklista og andre n dvendige dokument skal f lgje vedlagt innkallinga eller vere gjort tilgjengeleg p  idrettslaget si internettside eller annan forsvarleg m te. I sistnemnte tilfelle skal det g  fram av innkallinga at saksdokumenta er gjort tilgjengeleg p  annan m te, og dokumenta skal vere gjort tilgjengelege p  innkallingstidspunktet.

- (3) Ekstraordinært årsmøte er vedtaksført dersom det møter eit tal medleamar med stemmerett som minst svarar til talet på styremedleamar vedteke i idrettslaget si lov. Dersom det ekstraordinære årsmøtet ikkje er vedtaksført, kan det kallast inn til årsmøte på nytt utan krav til minimumsdeltaking.
- (4) Ekstraordinært årsmøte i idrettslaget skal berre handsame dei sakene som er med i vedtaket eller i kravet om innkalling av det ekstraordinære årsmøtet.
- (5) Ved innkalling i strid med regelen, avgjer det ekstraordinære årsmøtet høvesvis ved godkjenning av innkalling og godkjenning av saklisten, om det ekstraordinære årsmøtet er lovleg kalla inn og om det er saker som ikkje kan handsamast.

§ 18 Idrettslaget sitt styre

- (1) Idrettslaget vert leia og forplikta av styret, som er idrettslaget sitt høgste styringsorgan¹⁸ mellom årsmøta.
- (2) Styret skal m.a.:
 - a) Setje i verk årsmøtet og overordna organisasjonsledd sitt regelverk og sine vedtak.
 - b) Sjå til at idrettslaget sine midlar vert brukt og forvalta på ein forsiktig måte i samsvar med dei vedtak som er fatta på årsmøtet eller i overordna organisasjonsledd, og sørgje for at idrettslaget har ein tilfredsstillande organisering av rekneskaps- og budsjettfunksjonen og har forsvarleg økonomistyring.
 - c) Etter behov oppnemne komitéar/utval/personar for spesielle oppgåver og utarbeide mandat/instruks for desse.
 - d) Representere idrettslaget utetter.
 - e) Oppnemne ansvarleg for politiattestordninga.¹⁹
 - f) Oppnemne ein ansvarleg (tillitsvalt eller tilsett) for barneidretten²⁰.
- (3) Styret skal halde møte når leiaren bestemmer det eller minst to av styremedlemane krev det.

§ 19 Grupper og komitéar

- (1) Valkomitéen vert valt på årsmøtet på fritt grunnlag, etter innstilling frå styret, og skal leggje fram innstilling på kandidatar til alle andre tillitsverv som skal veljast på årsmøtet. Medlem av valkomité som sjølv vert kandidat til verv, pliktar å tre ut av valkomitéen.

¹⁸ Hovudstyret leiar og forpliktar laget. Dette tilseier at det er hovudstyret som kan gjere tilsetjingar og inngå evt. andre avtalar som forpliktar idrettslaget juridisk. Hovudstyret kan likevel gjennom særskild instruks eller vedtak gje idrettslaget sine grein-/gruppestyre fullmakt til å forplikte laget innanfor rammene for instruksen/vedtaket.

¹⁹ Gjeld for idrettslag som organiserer aktivitet for mindreårige og/eller personar med utviklingshemming.

²⁰ Gjeld for idrettslag som organiserer aktivitet for barn til og med fylte 12 år.

- (2) Idrettslaget sitt årsmøte kan vedta å opprette og nedlegge grupper, og korleis desse skal organiserast og leiast. Avgjerda om dette vert gjort i samband med årleg handsaming av idrettslaget sin organisasjonsplan, jf. § 15 pkt. 9.
- (3) Dersom laget sitt årsmøte ved handsaming av organisasjonsplanen har vedteke å opprette grupper med gruppestyre, gjeld følgjande:
 - a) Kvar gruppe skal ha eit gruppestyre på minst tre medlemar. Gruppestyret vert valt på årsmøtet. Gruppa foreslår kandidatar til gruppestyret til valkomitéen. Eventuelt kan årsmøtet gje hovudstyret fullmakt til å oppnemne gruppestyre etter forslag på kandidatar frå gruppa.
 - b) Gruppa held eit årleg møte før årsmøtet i idrettslaget. Hovudstyret fastset ein siste frist for det årlege møtet. Møtet vert kalla inn av gruppestyret med frist på minst ei veke.
 - c) Det årlege møtet skal:
 - i. Handsame rekneskap.
 - ii. Handsame gruppa si årsmelding.
 - iii. Fastsette budsjett.
 - iv. Fastsette eventuell årleg treningsavgift, jf. § 15 nr. 7.
 - v. Fremje innspel til årsplan for gruppa sine aktivitetar til hovudstyret.
 - d) Gruppestyret konstituerer seg sjølv, med mindre anna er vedteke av årsmøtet.
 - e) Grupper kan ikkje inngå avtalar eller representere idrettslaget utetter utan godkjenning frå hovudstyret, jf. § 18.

V. ANDRE REGLAR

§ 20 Allmenne disiplinærtiltak, sanksjonar etter kamp- og konkurransereglar, straffesaker og dopingsaker

For allmenne disiplinærtiltak, sanksjonar etter kamp- og konkurransereglar, straffesaker og dopingsaker gjeld NIF si lov kapittel 11 og 12.

§ 21 Regler for spill, ordensregler m.v.

- (1) For golfspillet gjelder de golfregler og de regler for etikette som det er vist til i NGFs lov, supplert med NGFs og klubbens lokale regler og turneringsregler. Dessuten gjelder NGFs handicapregler og amatørregler. Innenfor NIFs og NGFs lover og bestemmelser fastsetter klubbens styre de lokale regler, turneringsregler og øvrige regler for spilllets avvikling, samt ordens- og sikkerhetsregler for klubbens område, som det finner ønskelig.
- (2) For å være berettiget til å spille golf på en bane slopet av NGF må spilleren være medlem av en golfklubb med rett til å utstede offisielt handicap fra et nasjonalt golfforbund. Unntak er rekrutteringstiltak organisert av klubben og prøvespill sammen med et medlem av klubben.

§ 22 Lovendring

- (1) Lovendring kan berre vedtakast på ordinært eller ekstraordinært årsmøte i idrettslaget etter å ha vore ført opp på saklista, og krev 2/3 fleirtal av dei avgjevne stemmene.

- (2) Lovendringar som følgje av endringar i NIF si lov, trer i kraft straks. Lovendringar vedtekne av idrettslaget sjølv trer ikkje i kraft før dei er godkjent av idrettskrinsen. Godkjenninga er avgrensa til dei reglane som NIF si lov omfattar.
- (3) I samband med godkjenninga kan idrettskrinsen påleggje nødvendig endring for å unngå motstrid med NIF sitt regelverk.
- (4) Endring i §§ 21 og 22 kan ikkje vedtakast av idrettslaget sjølv med mindre endringane følgjer av NIF sitt regelverk eller lovnorm.

§ 23 Oppløysing. Samanslåing. Anna opphøyr

- (1) Forslag om oppløysing av idrettslaget må først handsamast på ordinært årsmøte. Bli oppløysing vedteke med minst 2/3 fleirtal, skal det kallast inn til ekstraordinært årsmøte tre månader seinare. For at oppløysing skal skje må vedtaket også her gjerast med 2/3 fleirtal.
- (2) Samanslåing med andre idrettslag vert ikkje rekna som oppløysing av laget. Vedtak om samanslåing og nødvendige lovendringar knytt til dette skal gjerast i samsvar med vedtektene om lovendring, jf. § 21.
- (3) Ved oppløysing eller anna opphøyr av idrettslaget går laget sine overskytande midlar etter avvikling til eit føremål godkjent av idrettskrinsen. Melding om at idrettslaget skal oppløysast, skal sendast til idrettskrinsen 14 dagar før idrettslaget held sitt ordinære årsmøte for handsaming av saka.

§ 24 Æresmedlem i Lærdal Golfklubb statuttar

- (1) Eit æresmedlemskap i Lærdal Golfklubb er ein høg heider som berre kan gjevast til medlemmer som gjennom ei årrekke har gjort ein stor ueigennyttig innsats til beste for laget. Det er årsmøtet som utnemner æresmedlemmer og det kan kun utnemnast eitt æresmedlem kvart år.
- (2) Einkvar medlem i klubben kan fremja forslag til æresmedlemskap overfor styret. Forslaget skal vere skriftleg og grunngjeve, og må vere styret i hende 14 dagar før årsmøte. Styret vurderar forslaget og fremjar kandidat til årsmøtet.
- (3) Eit æresmedlem er fritaken for kontingent, men har rettigheit som fritt spel-medlem. NGF kontingent og abonnement i Norsk Golf vert betalt av klubben. I tillegg får æresmedlemmet tildelt diplom og eit portrett skal setjast opp på synleg plass i klubben sitt lokale.
- (4) Æresmedlemmer er sett på som gode føredøme. I tilfelle der eit æresmedlem viser ein opptreden som er uverdigg for klubben, kan dette føre til at styret avsluttar medlemskapet. Slikt styrevedtak må godkjennast på neste årsmøte.

DEL B: TILLEGGSBESTEMMELSER²¹

B.1 Klubb med egen bane²²

§ 25 Venteliste²³

Når det er nødvendig av hensyn til golfanleggets kapasitet, kan klubben operere med begrensning i antallet medlemmer og venteliste for medlemsopptak.

Maksimumstillene for antall medlemmer fastsettes av årsmøtet etter styrets innstilling. Styret fastsetter nærmere regler for opptak fra venteliste, som skal være basert på objektive kriterier med hovedvekt på søkeransiennitet. Det kan i noen utstrekning gis preferanser/kvoter basert på alder²⁴, kjønn og familietilknytning til medlemmer av hensyn til klubbens sportslige og sosiale miljø.

§ 26 Spillerett

- (1) Medlemmer som har betalt forfalte kontingenter og avgifter til klubben og dessuten de særavgifter eller medlemslån som måtte være fastsatt for spilleretten, har alminnelig spillerett på klubbens bane.
- (2) Styret fastsetter vilkårene for gjestespill mot greenfee og for eventuell spillerett for sponsorer og andre uten fulle rettigheter etter første ledd.

§ 27 Medlemslån som vilkår for spillerett²⁵

- (1) For medlemmer som har fylt eller fyller 20 år i det aktuelle kalenderåret kan årsmøtet fastsette som vilkår for alminnelig spillerett på klubbens bane at medlemmet innbetaler et rente- og avdragsfritt lån til klubben på inntil kr. Dette kommer i tillegg til eventuell innmeldingsavgift og årlig kontingent/avgifter.

²¹ Del B av lovnormen gir anvisning på standardløsninger på noen spørsmål som mange golfklubber er opptatt av tidlig i etableringsprosessen og noen av disse er av slik karakter at de må inn i klubbloven for å kunne praktiseres. Ytterligere tilpasninger av klubbloven kan klubben søke om å få godkjent etter medlemsopptaket i NIF og NGF, jfr. kommentaren ovenfor i Generelt om lovnormen for golfklubber. Det er nytt fra 2007 at en egen lovnorm for golfklubber legger til rette for disse løsninger allerede ved medlemsopptak. Når nye nummererte paragrafer settes inn i lovteksten, husk å forskyve nummereringen og å kontrollere, og eventuelt korrigere, kryssreferansene som finnes i §§ 16, 19, 22 og 23.

²² De tradisjonelle golfklubbene har oftest egen golfbane. Medlemmene i slike klubber forventer normalt fri og ubegrenset rett til spill på banen når medlemskontingenten og eventuell spilleavgift er betalt (spilleavgiften kan være inkorporert i årskontingenten fastsatt for «aktive» medlemmer). Den nære sammenhengen mellom medlemskap og spillerett har i noen pressområder skapt behov for venteliste for medlemskap. Denne sammenhengen gjør det også til et sentralt klubbanliggende å finansiere banens utbygging. Et medlemslån, likelig fordelt på medlemmene over en viss alder, kan være et nødvendig eller viktig bidrag til å realisere utbyggingsplanene.

²³ Denne bestemmelse forutsetter at alle medlemmene har rett til spill på banen og at kapasitetsproblemet ikke løses på annen måte, sml. B.2 nedenfor.

²⁴ Her ligger et grunnlag for særlig rekruttering av barn og ungdom. Styret kan velge å få kvotene godkjent av årsmøtet.

²⁵ Bestemmelsen forutsetter at klubben har et finansieringsbehov knyttet til golfbanen, men at det finnes tilstrekkelig å kreve et lånebeløp fra de medlemmer som tegner seg for spillerett på banen.

²⁶ Det er her årsmøtet som bestemmer om medlemslån skal kreves. Årsmøtet kan da også gjøre lånet frivillig ved å fastsette alternativer, som en høyere spilleavgift for de medlemmer som ikke innbetaler medlemslån. Årsmøtet kan også gjøre unntak for studenter m.v.

- (2) Lånet forfaller til innfrielse ved medlemmets utmelding av klubben, dog slik at klubben ikke plikter å tilbakebetale lånet før et nytt medlem innbetaler til klubben et tilsvarende lån. Klubben kan tilbakebetale medlemslånene helt eller delvis til enhver tid, men da skal alle medlemmer med medlemslån behandles likt.

§ 28 Medlemslån som vilkår for medlemskap²⁷

- (1) Det er et vilkår²⁸ for medlemsopptak fra og med det kalenderåret vedkommende fyller 20 år²⁹, og for opprettholdelse av medlemskapet når denne alder nås³⁰, at man innbetaler eller overtar en andel i et rente- og avdragsfritt medlemslån. Dette kommer i tillegg til eventuell innmeldingsavgift og årlig kontingent/avgifter.
- (2) Medlemslånet utgjør totalt kr. fordelt på låneandeler, hver på kr. Som bevis for innbetaling av en andel i medlemslånet utsteder klubben et låneandelsbevis. Andelsbeviset er ikke omsettelig, men kan med klubbens mellomkomst overføres til person utpekt av klubben i henhold til § (bestemmelsen om venteliste).
- (3) Låneandelen forfaller til innfrielse ved medlemmets utmelding av klubben, dog slik at klubben ikke plikter å tilbakebetale låneandelen før et nytt medlem innbetaler til klubben en tilsvarende låneandel. Klubben kan her administrere en køordning for overførsel av andeler fra uttredende til inntredende medlemmer som korresponderer med ventelisten³¹. Klubben kan ellers tilbakebetale medlemslånet helt eller delvis til enhver tid basert på pålydende beløp, med lik behandling av alle andelshavere. De nærmere vilkår for medlemslånet er regulert i særskilt inngått låneavtale.

²⁷ Denne bestemmelse er et alternativ til den foregående bestemmelse. Bestemmelsen forutsetter at klubben har et finansieringsbehov knyttet til golfbanen, samtidig som det finnes nødvendig å kreve slikt lån fra alle medlemmene over den fastsatte alder. Dette kan være begrunnet i at klubben ønsker at alle medlemmene skal ha spillerett og i at låneandelenes størrelse er tilpasset dette. NIF er generelt skeptisk til krav om medlemslån som vilkår for medlemskap, men godtar det der det er et reelt behov for egenfinansiering av klubbens egen bane eller baneutvidelse. Det som klart må unngås er opplegg som kan oppfattes som at klubben er omdannet til et andelslag eller som at klubben har en bestemt kapital. Dette ville være i strid med kravet til klubben som et selveiende og frittstående idrettslag. Låneandeler må heller ikke være fritt omsettelige og samtidig knyttes opp mot rettigheter til medlemskap, det ville stride mot prinsippet om åpen idrett. Kulturdepartementet har også som et grunnleggende vilkår for tildeling av spillemidler at disse ikke skal danne grunnlag for fortjenestebaserte eierformer eller omdannes til fortjeneste for private eiere.

²⁸ Der dette innføres i eksisterende klubber, f. eks. i forbindelse med en vesentlig utvidelse av banen, er det gode grunner for ikke å gjøre ordningen tvingende for eksisterende medlemmer. Da kan første setning begynne slik: "Fra ... (dato) er det et vilkår for medlemsopptak fra og med det kalenderåret vedkommende fyller 20 år." Men da må klubben ta stilling til om unntaket også skal gjelde tidligere ungdomsmedlemmer når de fyller 20 år, og hva som skal være vilkårene for medlemmer uten medlemslån med hensyn til årlig spilleavgift og omfanget av spilleretten. Sml. ellers teksten i foregående bestemmelse og notens innhold.

²⁹ Klubben kan sette en høyere aldersgrense.

³⁰ Det kan være positivt med tilføyelse av overgangsregler som hjelper og oppmuntrer ungdom til å forbli i klubben.

³¹ Etter utmelding kan klubben ikke kreve annen medlemskontingent enn den som er forfalt til betaling eller er opptjent etter § 4 (2). Men i lånevilkårene kan det avtales at et beløp for spilleretten skal betales så lenge låneandelen ikke er overdratt fra uttredende medlem. Klubben bør i så fall legge til rette for en midlertidig utleie av spilleretten.

- (4) Låneandelene skal kunne tillegges en rentekompensasjon³² til andelseierne som blir betalbar av nytt medlem som en merpris ved overtagelse av andelen. For dette formål skal årsmøtet hvert år etter innstilling fra styret fastsette en maksimalpris på andelene. Denne fastsettelsen skal ikke ha som formål å skape fortjeneste til det enkelte medlem, men skal gjenspeile en mulig rentekompensasjon innenfor rammen av reell kassekredittrente hos klubbens bankforbindelse. Årsmøtet kan redusere maksimalprisen for å fremme rekrutteringen til medlemskap i klubben, men ikke til lavere beløp enn til lånets pålydende. Maksimalprisen er ikke til hinder for at låneandelene overdras til en lavere pris.

³² Denne paragrafen kan anvendes med eller uten dette siste avsnittet om rentekompensasjon. Avsnittet bør bare tas med der hvor det anses å være nødvendig av hensyn til finansieringen av golfanlegget.

LOVNORM FOR IDRETTSLAG

Vedteken av Idrettsstyret 22. oktober 2015

Rettleiing til lovnorm for idrettslag

Nynorsk

Idrettslaget skal ha ei lov som er i samsvar med NIF sitt regelverk og denne lovnorma. Lovnorma er ufråvikeleg og inneheld eit minimum av det idrettslaget må ha i si eiga lov.

Alle lovendingar må vedtakast på ordinært eller ekstraordinært årsmøte etter å ha vore oppført på saklista og krev 2/3 fleirtall av dei avgjevne stemmer. Lovendingane må sendast til idrettskrinsen for godkjenning. (www.idrettsforbundet.no/idrettskretser1/)

Fotnotane i lovnorma er berre til informasjon, og utgjer ikkje ein del av lova. Det er valfritt å ta med fotnotane i eiga lov.

NIF sitt regelverk er tilgjengeleg på www.idrettsforbundet.no

Vedlegg til Loven for Lærdal Golfklubb

2015-10-22 Lovnorm for idrettslag – nynorsk - Instruks for endring og tekst frå Norges Golfforbund med NGF sine endringar

Subject: Alle idrettslag må i 2016 oppdatere lova til idrettslaget

Date: Tue, 19 Jan 2016 12:31:40 +0000

From: Sogn og Fjordane IK <SognogFjordaneIK@idrettsforbundet.no>

CC: Leversund, Anne <Anne.Leversund@idrettsforbundet.no>, Narum, Ingrid <Ingrid.Narum@idrettsforbundet.no>

Alle idrettslag må i 2016 oppdatere lova til idrettslaget. Slik gjer du:

- Ta vedlagde lovnorm og fyll inn §2 (3) og §15 punkt 10,b)
 - Legg inn ev. andre tillegg. (Endringar ikkje tillatt)
 - Vedta den nye lova på idrettslaget sitt årsmøte.
 - Sende den nye lova og årsmøteprotokollen til idrettskrinsen for godkjenning. Gjerne på e-post sognogfjordane@idrettsforbundet.no .
- De vil då få godkjent lov i retur frå idrettskrinsen.
For golfklubber sjå [her](#).

Dei viktigast endringane i ny lovnorm:

§ 4 Medlemskontingent og avgifter. Sjå fotnote 4.

§ 6 Generelle reglar om stemmerett, kven som kan veljast, forslagsrett mv. Sjå punkt 5 og 6.

§ 12 Rekneskap, revisjon, budsjett mv. Sjå punkt 1, 4 og 5.

§ 13 Årsmøtet. Sjå fotnote 9.

§ 15 Årsmøtet sine oppgåver. Sjå punkt 7 , 10 f og fotnote 14

§ 18 Idrettslaget sitt styre. Sjå punkt 2 e og 3.

§ 19 Grupper og komitear. Sjå punkt 1 og 3.

Her er nokre småendringar og nokre nye punkt, så kan vere greitt å samanlikne med den gamle lova når ein går igjennom for å få med seg endringane.

Sjå meir om alle endringane her <https://www.idrettsforbundet.no/tema/lov-og-forskrifter/kommentarer--til-den-nye-lovnormen-for-idrettslag/>

Ta gjerne kontakt om det er noko de lurer på!

Med sportsleg helsing

Sogn og Fjordane Idrettskrins

Tlf.: 57761210

www.idrettskrinsen.no

Norges Golfforbund

<http://www.golfforbundet.no/nyheter/2016/01/lovnorm-for-idrettslag-med-serlige-tillegg-gitt-av-ngf>

I forbindelse med at det høsten 2015 ble vedtatt endringer i lovnormen for idrettslag har også spørsmålet kommet opp på nytt om det fortsatt skal finnes egne lovnormer for golfklubber. NIF ser ikke lenger noe spesielt behov for en slik særbehandling av golf og avviker derfor ordningen.

NGF har imidlertid, i samarbeid med juridisk avdeling i NIF, utarbeidet et eget dokument for golfklubbene. Dette dokumentet består av lovnormen som ble vedtatt av Idrettsstyret 22. oktober 2015 og særlige tillegg gitt av NGF. Disse tilleggene er spesifikke plikter som påhviler golfklubber som medlemmer av NGF. Konkret gjelder dette § 4 (2), § 21 og del B. Mens § 4 (2) og § 21 er obligatoriske å innta i loven, er det bare nødvendig å innta del B.1 eller B.2 dersom bestemmelsene er aktuelle for klubben. Dersom klubben verken har egen bane eller har avtale med en baneier er del B ikke aktuell.

På førstkommende årsmøte må hver enkelt klubb tilpasse sin lov til den nye lovnormen med særlige tillegg.

Rune Hauger

Assisterende generalsekretær

Mobil: 920 17 065 Send e-post